

গণপ্রজাতন্ত্রী বাংলাদেশ সরকার  
তথ্য অধিদফতর  
বাংলাদেশ সচিবালয়  
ঢাকা।

সংবাদ গতিধারা

ঢাকা, বৃহস্পতিবার ১৪ মে ২০১৫, ৩১ বৈশাখ ১৪২২

আজকের দৈনিক পত্রিকাগুলো নিম্নলিখিত বিষয়গুলোকে প্রাধান্য দিয়ে খবর ছেপেছে :

- ১। পরমাণু প্রকল্প বাস্তবায়নে প্রক্রিয়া জোরদার করণ : রাশিয়ার প্রতি প্রধানমন্ত্রী
- ২। শাহজালাল আন্তর্জাতিক বিমানবন্দরে তৃতীয় টার্মিনাল নির্মাণ কাজ জোরদারে প্রধানমন্ত্রীর নির্দেশ
- ৩। আগামী অর্থবছরের জন্য ৯২ হাজার ৫০০ কোটি টাকার এডিপি অনুমোদন আজ
- ৪। ২০২১ সালের মধ্যে সব উপজেলায় কর অফিস : অর্থমন্ত্রী
- ৫। সরকারি কর্মকর্তা ও কর্মচারীদের সর্বোচ্চ ৭৫ হাজার টাকা মূল বেতনের সুপারিশ : জুলাই থেকে কার্যকর
- ৬। সরকারি ক্রয়সংক্রান্ত মন্ত্রিসভা কমিটিতে ৯ প্রস্তাব অনুমোদন
- ৭। বিনামূল্যে ক্রত্রিম অঙ্গ সংযোজনে স্থায়ী কেন্দ্র চালু হবে : স্বাস্থ্যমন্ত্রী
- ৮। পাবলিক পরীক্ষায় মোবাইল নিতে পারবেন না পরীক্ষকরাও
- ৯। এমন চলচিত্র নির্মাণ করছন যা দেখে মানুষ হাসবে-কাঁদবে : সার্ক চলচিত্র উৎসবে তথ্যমন্ত্রী
- ১০। দশ মাসে রপ্তানি আয় বেড়েছে তিন শতাংশ
- ১১। পল্লবীতে ফ্ল্যাটে দিনে-দুপুরে মামাসহ গৃহবধূকে কুপিয়ে হত্যা
- ১২। ভাসানী বিশ্ববিদ্যালয়ে ছাত্রলীগের দুই গ্রাহপে সংঘর্ষে নিহত এক : বিশ্ববিদ্যালয় বন্ধ ঘোষণা
- ১৩। ব্লগার অনন্ত বিজয় দাশ হত্যাকাণ্ডে জাতিসংঘের উদ্দেশ্য, নিন্দায় যুক্তরাষ্ট্র ও ফ্রান্স

চলমান পাতা/২

১। পরমাণু প্রকল্প বাস্তবায়নে প্রক্রিয়া জোরদার করণ : রাশিয়ার প্রতি প্রধানমন্ত্রী

প্রধানমন্ত্রী শেখ হাসিনা দীর্ঘ প্রতীক্ষিত রূপপুর পারমাণবিক পাওয়ার প্লাট প্রজেক্ট বাস্তবায়ন প্রক্রিয়া জোরদার করতে রাশিয়া সরকারের প্রতি আহ্বান জানিয়েছেন। গতকাল ১৩ মে বুধবার প্রধানমন্ত্রীর সঙ্গে তাঁর কার্যালয়ে বাংলাদেশে নিযুক্ত রাশিয়ার রাষ্ট্রদূত আলেক্সাঙ্গুভার এ নিকোলাভ সৌজন্য সাক্ষাৎকালে তিনি এ অনুরোধ জানান। সূত্র-ইভেফাক (পৃ.১,ক.৬), জনকর্ত (পৃ.১,ক.৮), সংবাদ (শেষ পৃ.,ক.১), বাংলাদেশ টুডে (পৃ.১,ক.৬), ডেইলি সান (শেষ পৃ.,ক.২)। নিউজ টুডে এ বিষয়ে লিড নিউজ ছেপেছে।

২। শাহজালাল আন্তর্জাতিক বিমানবন্দরে তৃতীয় টার্মিনাল নির্মাণ কাজ জোরদারে প্রধানমন্ত্রীর নির্দেশ

প্রধানমন্ত্রী শেখ হাসিনা হ্যারত শাহজালাল আন্তর্জাতিক বিমানবন্দরের (এইচএসআইএ) তৃতীয় টার্মিনাল নির্মাণে এগিয়ে যাওয়ার জন্য এবং ক্রমবর্ধমান যাত্রীদের সামলাতে দ্রুতগতিতে কাজ শেষ করার জন্য সংশ্লিষ্ট কর্তৃপক্ষকে নির্দেশ দিয়েছেন। বিমানবন্দরের তৃতীয় টার্মিনাল, দ্বিতীয় রানওয়ে এবং অন্যান্য অবকাঠামো নির্মাণে প্রাথমিক সম্ভাব্যতা যাচাই প্রতিবেদন ও খসড়া মাস্টারপ্ল্যান বিষয়ে প্রধানমন্ত্রীর অফিসে পাওয়ার পর্যন্তে প্রতিবেদন উপস্থাপনকালে তিনি এ নির্দেশনা দেন। সূত্র-ইনকিলাব (পৃ.১,ক.৬), প্রথম আলো (পৃ.২,ক.২), সংবাদ (শেষ পৃ.,ক.৪), ইভিপেনডেন্ট (পৃ.১,ক.৭), নিউজ টুডে (পৃ.১,ক.১)।

৩। আগামী অর্থবছরের জন্য ৯২ হাজার ৫০০ কোটি টাকার এডিপি অনুমোদন আজ

পদ্মা সেতুতে সর্বোচ্চ ৭ হাজার ২০০ কোটি টাকার বরাদ্দ রেখে আগামী অর্থবছরের (২০১৫-১৬) জন্য সাড়ে ৯২ হাজার কোটি টাকার বার্ষিক উন্নয়ন কর্মসূচি (এডিপি) গ্রহণ করা হচ্ছে। এই বরাদ্দের মধ্যে সরকারি খাত থেকে আসবে ৫৮ হাজার কোটি টাকা এবং প্রকল্প সাহায্য থেকে আসবে ৩৪ হাজার ৫০০ কোটি টাকা। এটিই এ যাবতকালের মধ্যে সর্বোচ্চ এডিপি। আজ ১৪ মে বৃহস্পতিবার জাতীয় অর্থনৈতিক পরিষদের (এনইসি) সভায় চূড়ান্ত অনুমোদনের জন্য এটি উপস্থাপন করা হবে। এতে সভাপতিত্ব করবেন প্রধানমন্ত্রী শেখ হাসিনা। সূত্র-জনকর্ত (পৃ.১৮,ক.২), ইভেফাক (পৃ.১৮,ক.৬), সংবাদ (শেষ পৃ.,ক.৪), নিউজ টুডে (পৃ.১,ক.১), ডেইলি অবজারভার (পৃ.১,ক.১)।

৪। ২০২১ সালের মধ্যে সব উপজেলায় কর অফিস : অর্থমন্ত্রী

অর্থমন্ত্রী আবুল মাল আবদুল মুহিত বলেছেন, আমাদের গ্রামাঞ্চলেও অর্থনীতি শক্তিশালী হচ্ছে। এজন্য সংসদ সদস্যদের পক্ষ থেকেই উপজেলা পর্যায়ে করের আওতা বাড়নোর দাবি উঠে এসেছে। তাই উপজেলা পর্যায়ে কর অফিস করা হচ্ছে। ২০২১ সালের মধ্যে সব উপজেলায় কর অফিস করা হবে। রাষ্ট্রীয় অতিথি ভবন পদ্মায় গত ১২ মে মঙ্গলবার সংসদীয় কমিটির সভাপতিদের সঙ্গে প্রাক-বাজেট আলোচনা শেষে সাংবাদিকদের এসব কথা জানান অর্থমন্ত্রী আবুল মাল আবদুল মুহিত। সূত্র-ইভেফাক (পৃ.১৮,ক.৭)।

৫। সরকারি কর্মকর্তা ও কর্মচারীদের সর্বোচ্চ ৭৫ হাজার টাকা মূল বেতনের সুপারিশ : জুলাই থেকে কার্যকর

সরকারি কর্মকর্তা ও কর্মচারীদের মূল মাসিক বেতন সর্বনিম্ন ৮ হাজার ২৫০ টাকা আর সর্বোচ্চ ৭৫ হাজার টাকা নির্ধারণের সুপারিশ করেছে পে-কমিশনের প্রতিবেদন পর্যালোচনার লক্ষ্যে গঠিত সচিব কমিটি। সুপারিশে বেতনের ধাপ ২০টি-ই বহাল রাখার সুপারিশ করা হয়েছে। তবে টাইম ক্ষেল ও সিলেকশন গ্রেড না রাখার সুপারিশ করে অর্থমন্ত্রীর কাছে এ প্রতিবেদন জমা দেওয়া হয়েছে। আগামী জুলাই থেকে নতুন বেতন কার্যকর হওয়ার কথা রয়েছে। সূত্র-ইভেফাক (পৃ.১,ক.২), ডেইলি স্টার (শেষ পৃ.,ক.১)। প্রথম আলো, যুগান্তর, সংবাদ, জনকর্ত, ইভিপেনডেন্ট এ বিষয়ে লিড নিউজ ছেপেছে।

৬। সরকারি ক্রয়সংক্রান্ত মন্ত্রিসভা কমিটিতে ৯ প্রস্তাব অনুমোদন

ভারতীয় ঝাগে ঢাকা-টঙ্গী ও টঙ্গী-জয়দেবপুর ডুয়েল গেজ রেললাইন নির্মাণসহ নয়টি প্রস্তাব অনুমোদন দিয়েছে সরকারি ক্রয়সংক্রান্ত মন্ত্রিসভা কমিটি। সচিবালয়ে গতকাল ১৩ মে বুধবার অর্থমন্ত্রী আবুল মাল আবদুল মুহিতের সভাপতিত্বে অনুষ্ঠিত বৈঠকে এই অনুমোদন দেওয়া হয়। বৈঠক শেষে মন্ত্রিপরিষদ বিভাগের অতিরিক্ত সচিব মোস্তাফিজুর রহমান এই তথ্য জানান। সূত্র-প্রথম আলো (পৃ.১২,ক.১), বাংলাদেশ প্রতিদিন (পৃ.১১,ক.৩)।

৭। বিনামূল্যে কৃত্রিম অঙ্গ সংযোজনে স্থায়ী কেন্দ্র চালু হবে : স্বাস্থ্যমন্ত্রী

স্বাস্থ্য ও পরিবার কল্যাণমন্ত্রী এবং আওয়ামী লীগের প্রেসিডিয়াম সদস্য মোহাম্মদ নাসিম বলেছেন, অঙ্গহীন রোগীদের বিনামূল্যে কৃত্রিম অঙ্গ সংযোজনের জন্য একটি স্থায়ী কেন্দ্র চালু করা হবে। গতকাল ১৩ মে বুধবার জাতীয় অর্থোপেডিক হাসপাতাল ও পুর্ণবাসন প্রতিষ্ঠানে (নিটোর) আয়োজিত বিনামূল্যে কৃত্রিম পা সংযোজন ক্যাম্পের উদ্বোধন অনুষ্ঠানে প্রধান অতিথির বক্তব্যে তিনি এ কথা বলেন। সূত্র-ইভেফাক (শেষ পৃ.,ক.৮), জনকর্ত (পৃ.৩,ক.৫), ইনকিলাব (শেষ পৃ.,ক.৮), নিউজ টুডে (শেষ পৃ.,ক.৮), ডেইলি সান (পৃ.২,ক.৬)।

৮। পাবলিক পরীক্ষার মোবাইল নিতে পারবেন না পরীক্ষকরাও

পাবলিক পরীক্ষার প্রশ্ন ফাঁস ও অসদুপায় ঠেকাতে পরীক্ষার্থীদের পাশাপাশি পরীক্ষকদেরও কেন্দ্রে মোবাইল ফোনসহ সব ধরনের ইলেক্ট্রনিক ডিভাইস নিয়ে প্রবেশে নিয়েধাজ্ঞা জারি করেছে শিক্ষা মন্ত্রণালয়। শুধু কেন্দ্র সচিব

নিয়েধাজ্ঞার আওতামুক্ত থাকবেন। তবে পরীক্ষা চলাকালে তার মোবাইল ব্যবহারের ওপরও কড়াকড়ি থাকবে। এইচএসসি পরীক্ষা সুষ্ঠুভাবে শেষ করতে গতকাল ১৩ মে বুধবার সচিবালয়ে আইনশৃঙ্খলা পরিস্থিতি পর্যালোচনা বিষয়ক এক সভায় শিক্ষামন্ত্রী নূরুল ইসলাম নাহিদ এই নিয়েধাজ্ঞা আরোপের তথ্য তুলে ধরেন। সূত্র-যায়ব্যায়দিন (পৃ.১,ক.৫), সংবাদ (শেষ পৃ.,ক.৫), ডেইলি স্টার (পৃ.২,ক.৪), নিউজ টুডে (পৃ.৩,ক.২)।

৯। এমন চলচিত্র নির্মাণ করুন যা দেখে মানুষ হাসবে-কাঁদবে : সার্ক চলচিত্র উৎসবে তথ্যমন্ত্রী

বাংলাদেশ শিল্পকলা একাডেমির জাতীয় চিত্রশালা মিলনায়তনে শুরু হলো সঙ্গাহব্যাপী সার্ক চলচিত্র উৎসব। ‘সার্ক ফিল্ম জার্নালিস্ট ফোরাম বাংলাদেশ’-এর আয়োজনে এই উৎসবটি উদ্বোধন করেন অনুষ্ঠানের প্রধান অতিথি তথ্যমন্ত্রী হাসানুল হক ইনু। এ উৎসব উদ্বোধনের প্রাকালে চলচিত্র নির্মাতাদের উদ্দেশ্যে তথ্যমন্ত্রী হাসানুল হক ইনু বলেন, ‘এমন চলচিত্র নির্মাণ করুন যা দেখে প্রেক্ষাগৃহে মানুষ হাসবে, কাঁদবে এবং বের হওয়ার পর জীবন বদলে যাবে।’ সূত্র-সংবাদ (শেষ পৃ.,ক.৭), যুগান্তর (পৃ.১৬,ক.২)।

১০। দশ মাসে রঞ্জনি আয় বেড়েছে তিন শতাংশ

গত এপ্রিল মাসে পণ্য রঞ্জনি থেকে আয় হয়েছে ২৩৯ কোটি ৮৫ লাখ মার্কিন ডলার। গত বছরের এপ্রিলের ২৭০ কোটি ৫৮ লাখ ডলারের তুলনায় যা দশমিক ৫৫ শতাংশ কম। তবে সামগ্রিকভাবে চলতি ২০১৪-১৫ অর্থবছরের ১০ মাসে (জুলাই-এপ্রিল) রঞ্জনি আয়ে প্রবৃদ্ধি হয়েছে প্রায় তিন শতাংশ। তবে এ আয় নির্ধারিত লক্ষ্যমাত্রার তুলনায় ৫ দশমিক ৭১ শতাংশ কম। রঞ্জনি উন্নয়ন বুরোর (ইপিবি) সর্বশেষ প্রতিবেদনে এসব তথ্য পাওয়া গেছে। সূত্র-ইতেফাক (পৃ.৩,ক.২), জনকষ্ঠ (পৃ.১৮,ক.২)।

১১। পল্লবীতে ফ্ল্যাটে দিনে-দুপুরে মামাসহ গৃহবধূকে কুপিয়ে হত্যা

রাজধানীর পল্লবীর একটি ফ্ল্যাটে গতকাল ১৩ মে বুধবার দিনে-দুপুরে গৃহবধূ ও তার মামাকে কুপিয়ে হত্যা করেছে দুর্বৃত্তরা। নিহতরা হলেন, গৃহবধূ সুইটি আজ্ঞার এবং তার মামা আমিনুল ইসলাম। এ ঘটনায় আহত হয়েছে গৃহবধূর ৫ বছরের শিশু পুত্র। হত্যাকাণ্ডের কারণ ও ঘাতকদের সম্পর্কে প্রাথমিকভাবে কিছুই জানাতে পারেনি পুলিশ কিংবা নিহতের পরিবার। খবর পেয়ে পুলিশ, র্যাবসহ বিভিন্ন গোয়েন্দা সংস্থার সদস্যরা ঘটনাস্থল পরিদর্শন করেছেন। সূত্র-ইনকিলাব (শেষ পৃ., ক.৫), যুগান্তর (পৃ.১,ক.২), ইতেফাক (শেষ পৃ.,ক.৬), ডেইলি স্টার (শেষ পৃ.,ক.৮), ইন্ডিপেন্ডেন্ট (পৃ.১,ক.২), ডেইলি সান (পৃ.১,ক.৬)।

১২। ভাসানী বিশ্ববিদ্যালয়ে ছাত্রলীগের দুই গ্রন্থে সংঘর্ষে নিহত এক : বিশ্ববিদ্যালয় বন্ধ ঘোষণা

টাঙ্গাইলের মওলানা ভাসানী বিজ্ঞান ও প্রযুক্তি বিশ্ববিদ্যালয়ে আধিপত্য বিভাগকে কেন্দ্র করে গতকাল ১৩ মে বুধবার ছাত্রলীগের এসকে মোশারফ গ্রন্থ ও মনির গ্রন্থের মধ্যে সংঘর্ষের ঘটনা ঘটে। এতে এসকে মোশারফ নামে এক ছাত্র নিহত হয়েছেন। মোশারফ অপরাধতত্ত্ব ও পুলিশ বিজ্ঞান বিভাগের মাস্টার্স দ্বিতীয় সেমিস্টারের ছাত্র। সংঘর্ষে আহত হয়েছেন আরও অন্তত দু'জন। সংঘর্ষে ছাত্র নিহতের ঘটনায় অনিদিষ্টকালের জন্য বিশ্ববিদ্যালয় বন্ধ ঘোষণা করা হয়েছে। শিক্ষার্থীদের ১৪ মে বৃহস্পতিবার সকাল ১০টার মধ্যে হল তাগের নির্দেশ দেওয়া হয়েছে। সূত্র-যুগান্তর (শেষ পৃ.,ক.৩), প্রথম আলো (পৃ.১,ক.৮), ডেইলি সান (শেষ পৃ.,ক.১)।

১৩। ঝুঁগার অন্ত বিজয় দাশ হত্যাকাণ্ডে জাতিসংঘের উদ্বেগ, নিন্দায় যুক্তরাষ্ট্র ও ফ্রান্স

সিলেটে ঝুঁগার, লেখক ও তরুণ ব্যাংকার অন্ত বিজয় দাশ হত্যাকাণ্ডের নিন্দা জানিয়েছে জাতিসংঘ, যুক্তরাষ্ট্র ও ফ্রান্স। এ হত্যাকাণ্ডকে বাংলাদেশে ধর্মীয় ও বাকস্বাধীনতার প্রতি আঘাত বলে উল্লেখ করেছে আন্তর্জাতিক মানবাধিকার সংগঠন হিউম্যান রাইটস ওয়াচ (এইচআরডার্লি)। এদিকে অন্ত বিজয় দাশের হত্যার প্রতিবাদে নিউইয়র্কে বিক্ষোভ সমাবেশ করেছেন প্রবাসী লেখক, সাংবাদিক, সংস্কৃতিকর্মী ও মানবাধিকার আন্দোলনের কর্মীরা। সূত্র-প্রথম আলো (পৃ.২,ক.২), ডেইলি সান (পৃ.১,ক.১), ইন্ডিপেন্ডেন্ট (পৃ.১,ক.৪), ডেইলি স্টার (পৃ.১,ক.৪)।

#### সম্পাদকীয়

- ক. প্রথম আলো, সংবাদ, যুগান্তর, যায়ব্যায়দিন, ডেইলি স্টার, ডেইলি সান, নিউ এজ : বিএনপির মুগ্য মহাসচিব সালাহউদ্দিন আহমেদকে ভারতের শিলংয়ে পাওয়া যাওয়ায় স্বত্ত্ব প্রকাশ করে সাবেক এ প্রতিমন্ত্রীকে দেশে দ্রুত ফিরিয়ে আনতে কার্যকর ব্যবস্থা নেওয়ার আহ্বান;
- খ. ইতেফাক : দুর্ঘটনা এড়াতে আবাসিক এলাকা থেকে শিল্পকারখানা, কেমিক্যাল কারখানাগুলো অন্যত্র সরিয়ে নেওয়ার ওপর গুরুত্বারোপ;
- গ. জনকষ্ঠ, প্রথম আলো, সংবাদ, সমকাল, ইনকিলাব, যুগান্তর, যায়ব্যায়দিন, ইন্ডিপেন্ডেন্ট, ডেইলি সান, ডেইলি অবজারভার, নিউ এজ : সিলেটে অন্ত বিজয় দাশ নামে একজন ঝুঁগার খুন হওয়ায় উদ্বেগ প্রকাশ করে খুনিকে চিহ্নিত করে অবিলম্বে শাস্তির দাবি;
- ঘ. সমকাল : চট্টগ্রামের শাহ আমানত আন্তর্জাতিক বিমানবন্দরে ৩৮ কেজি ওজনের ৩২৫টি স্বর্ণের বার আটক করেছে শুল্ক কর্তৃপক্ষ একথা উল্লেখ করে বার বার আটক হওয়া এসব স্বর্ণ চোরাচালানের নেপথ্যে কারা জড়িত তা তদন্তের মাধ্যমে খুঁজে বের করার সুপারিশ;
- ঙ. ইনকিলাব : মার্কিন যুক্তরাষ্ট্রে জিএসপি সুবিধা পুনঃনবায়নের তালিকা থেকে বাংলাদেশকে বাদ দেওয়ায়

- নবায়িত না হওয়ার এ নেতিবাচক বার্তা বিশ্বের অন্যান্য ক্রেতাদের কাছেও পৌছে যাবার আশঙ্কায় অবিলম্বে  
অর্থনীতির এ সংকট থেকে উন্নতরণের জন্য ব্যবহৃত নেওয়ার আহ্বান;
- চ. ডেইলি স্টার : ফেসবুকে ফ্রি ইন্টারনেট চালুর হওয়ায় দরিদ্র জনগোষ্ঠী প্রযুক্তির এ সুবিধা ব্যবহারের দ্বারা  
বিশ্ব প্রযুক্তির সাথে সংযুক্ত হতে পারবে বলে প্রত্যাশা ব্যক্ত;
- ছ. ইভিপেনডেন্ট : বৃহত্তর খুলনা অঞ্চলের কৃষকদের উৎপাদিত ধানের মূল্য প্রাপ্তি নিশ্চিত করে তাদের ক্ষতির  
হাত থেকে রক্ষায় ব্যবহৃত গ্রাহণের সুপারিশ;
- জ. নিউজ টুডে : বার্ষিক উন্নয়ন কর্মসূচির বাজেটের অর্থের যথাযথ ও ফলপ্রসূ ব্যবহার নিশ্চিত করতে প্রশাসনিক  
দক্ষতা বৃদ্ধির ওপর গুরুত্বারোপ;
- ঝ. নিউ নেশন : রাজস্ব আয় বাড়াতে কর হার না বাড়িয়ে করের আওতা বাড়ানোর সুপারিশ করে সম্পাদকীয়  
প্রকাশ করেছে।

#### উপ-সম্পাদকীয়

যুগান্তর পত্রিকায় প্রকাশিত কলামে তীব্র মাত্রার ভূমিকম্পেও যাতে আমাদের দেশে ক্ষয়ক্ষতি ন্যূনতম পর্যায়ে  
থাকে তার জন্য আমাদের সব ধরনের প্রস্তুতি রাখতে হবে বলে উল্লেখ করা হয়েছে।

#### নিবন্ধ ও ফিচার

সংবাদ পত্রিকায় প্রকাশিত ‘শিক্ষকের মান উন্নয়নে প্রতিষ্ঠান প্রধান’ শিরোনামের নিবন্ধে মো. আবুল কালাম  
শিক্ষকের মান উন্নয়ন প্রাকৃতিকভাবেই শিক্ষার্থীর মান উন্নয়নে সহায়ক হয় বলে অভিমত প্রকাশ করেছেন।

#

ফারহানা/ফাহিমা/মরজিনা/সাঈদা/বিপু/২০১৫/৯.০০ ঘন্টা